

KO E NGAAHI ME'A 'OKU FIEMA'U KE FAI HA 'ILO KI AI SIVI 'O E COVID-19/KOLONAVAILASI

1

'Oku fakahoko fēfē 'a e sivi?

Kapau 'oku ke ma'u e ngaahi faka'ilonga 'o e COVID-19 pe ko ha'o fetu'utaki vāofi mo ha taha 'oku ne ma'u 'a e COVID-19, 'oku totonu ke ke feinga ke sivi. Ko e ni'ihi 'oku fiema'u sivi, 'uluaki fetu'utaki kia kinautolu 'oku nau tokanga'i 'enau moui.




'A'AHU MO HA TAUHI

'Oku vakai'i e kakai 'i he femātaaki pe 'i he telefoni 'e he'enau falemahaki ki he ngaahi faka'ilonga 'o e COVID-19. Makatu'unga 'i he ngaahi fakahinohino ki he sivi mei he Potungāue 'a e Siteiti Uasingatoni ki he Mo'ui, 'oku fakapapau'i 'e he falemahaki pe 'oku malu'i 'a e sivi.

'OKU TO'O 'A E VAI MEI HE LOTO IHU

Kapau 'e fiema'u 'e he toketā, pe ko e tokotaha 'oku ne tokanga'i 'a e ngaahi fiema'u faka-falemahaki pe mo'ui lelei (fale mahaki/kiliniki) 'a e tokotaha puke ke fakahoko ha'ane sivi COVID-19, te nau to'o 'a e vai mei he ihu, pe ko hono ako'i ki he tokotaha puke 'a e founga hono to'o ke ne fakahoko pē 'e ia.



'OKU 'AVE 'A E VAI KI HE NGAAHI LAB (FEITU'U 'OKU FAKAHOKO AI HONO SIVI)

'E 'ave leva 'a e ngaahi naunau na'e ngāue'aki ki hono to'o 'o e vai mei he ihu ki he lab ke fakahoko 'a hono sivi.

'OKU FAKAFOKI E OLA E SIVI KI HE TOKOTAHA SIVI PE MAHAKI

Kapau 'e ma'u mai 'a e ola 'o e sivi 'oku ma'u 'e he mahaki, 'e lipooti leva 'a e ngaahi ola ko 'eni ki he Public Health — Seattle & King County.




2

‘E founnga fēfē ha’aku sivi’i?

Ko ha taha ‘oku ne ma’u ‘a e faka’ilonga ‘o e COVID-19 pe fetu’utaki vāofi mo he taha ‘oku ne ma’u ‘a e COVID-19 kuo pau ke sivi’i he vave taha. Ko e founnga ki hano tasi’i koe ‘oku makatu’unga pe ko e taha fēfē koe. Ko e ngaahi kulupu ‘oku fakamu’omua, hangē ko e kau ‘uluaki tokoni, kau ngāue ki he mo’ui, mo kinautolu ‘oku nofo fakatokolahi hangē ko e ngaahi fale pe ngaahi feitu’u ke nofo ai taimi loloa, mo e ngaahi founnga kehekehe ki he ngaahi naunau sivi ‘o ‘ikai ko e kakai fakalukufua koe’uhi ko e fakautuutu ‘enau tu’u lavea ngofua.

KAU NGĀUE FETU’UTAKI ‘ULUAKI

Ko e kau ngāue ni hangē ko e kau polisi mo e kau ngāue tokoni faka-faito’o he fakatamaki fakatu’upakē, ‘oku totonu ke nau fetu’utaki ki he’enau ‘ōfisa mo’ui ‘i he ngāue ‘okapau ‘oku nau ongo’i ‘oku nau ma’u ‘a e ngaahi faka’ilonga ‘o e COVID-19. ‘Oku ‘i ai ‘a e ngaahi palani fakavavevave ‘e fakahoko ke fakavave’i ‘aki ‘a hono fakahoko ko ia ‘a e sivi ‘o e kau ngāue ni, ka e malava ke nau foki ki he’enau ngaahi ngāue takitaha ‘i he vave taha.



KAU NGĀUE KI HE MO’UI LELEI ‘A E KAKAI

‘Oku totonu ke talanoa ‘a e kau ngāue ni ki he va’a ‘oku ne tokanga’i e mo’ui lelei ‘a e kau ngāue, pe ko ‘enau toketā pe tokotaha ‘oku ne tokanga’i ‘enau ngaahi fiema’u faka-falemahaki pe mo’ui lelei (fale mahaki/kiliniki), ‘okapau ‘oku nau ongo’i ‘oku nau ma’u ‘a e ngaahi faka’ilonga ‘o e COVID-19. ‘E toki faka’atā leva ‘e he ngaahi toketā/feitu’u ni ‘a honau sivi’i.

KAKAI ‘OKU NOFO PE NGĀUE ‘I HA NGAahi FEITU’U FAKATAHA’ANGA KAKAI TOKOLAHi

Ko e kakai ko ia ‘oku nofo pe ngāue ‘i he ngaahi feitu’u fakataha’anga kakai tokolahi, hangē ko e ngaahi ‘api tauhi kakai (tauhi vaivai, tauhi tamaiki te’eki ta’u fakalao) pe fakataha’anga ‘o e kakai ‘oku ‘ikai ha’anau ‘api, ‘oku ‘i ai ‘a e ngaahi sēvesi mo e ngaahi ngāue, kuo ‘osi mateuteu ke ne tokoni’i ‘a e ni’ihi ko ia ‘oku nau ongo’i kuo nau ma’u ‘a e ngaahi faka’ilonga ‘o e COVID-19, ‘i hono fakahoko ‘a e ngaahi sivi ‘i ha founnga malu mo hao.



KAKAI ‘OKU PUKE

Kapau ‘oku ‘ikai ke ke kau ki ha taha ‘o e ngaahi kulupu ko’eni pea ‘oku ke a’usia ‘a e ngaahi faka’ilonga COVID-19, pe fetu’utaki vāofi mo ha taha ‘oku COVID-19, kataki ‘o telefoni ki he ‘ofisa mo’ui. Neongo kapau ‘oku ‘ikai fakahoko sivi ‘ofisa mo’ui, te nau lava ‘o alea’i mo ho’o ngaahi faka’ilonga pea tokoni’i koe ke ke ma’u ‘a e sivi mo e tokangaekina.

Na’e toe fakalelei’i ‘a e ngaahi fakamatala koeni ‘i he ‘aho 12 ‘o Me 2020. Ko e fakamatala ‘e mo’ulaloa ia ki he liliu. Ki ha toe fakamatala lahi ange, hu ki he’emau peesi COVID he intaneti: www.kingcounty.gov/covid/tongan.

Kapau ‘oku ‘i ai ha’o ngaahi fehu’i fekau’aki mo e COVID-19, ‘oku ‘i ai pē ‘emau kau fakatonu lea te nau tokoni atu ‘i he King County Coronavirus Call Center. ‘I ha’o fiema’u tokotaha fakatonu lea, fetu’utaki ki he 206-477-3977.

